



OLJE- OG ENERGIDEPARTEMENTET
Postboks 8148 Dep
0033 OSLO

Dato: 24.10.2017
Vår ref.: 2017/15735-2
Saksbehandlar: gudmath
Dykkar ref.:

Forskrift om kommunens mynde i mindre vasskraftsaker. Fråsegn

Olje- og energidepartementet har sendt på høyring forskrift om kommunen sin mynde i mindre vasskraftsaker. Forslaget følgjer opp endringa i vassressursloven om overføring av vedtakskompetanse og saksbehandling i vasskraftsaker inntil 1 MW frå fylkeskommunen til kommunen, jf. Prop 97 L (2016-2017).

Fylkesutvalet i Hordaland handsama den 23.02.2017 sak om forslag til endringar i vannressursloven og jordlova og fatta følgjande vedtak:

- «
1. Fylkeskommunen har sidan 2010 hatt vedtaksmyndigheit i kraftsaker under 1 MW, men med ei rekkje unntak. Forslaget om å overføre denne type saker til kommunane vil framleis ha mange unntak, og sakene vil vere få, men stadig meir konfliktfylte. Det vil vere betre ressursbruk og meir effektivt å handsame sakene regionalt. Fylkesutvalet går inn for at myndigheita framleis skal vere hjå fylkeskommunane.
 2. Fylkesutvalet meiner at OED må utgreie å overføre større myndigheit for kraftsaker under 1 MW til dei nye regionane. Dei vil ha den nødvendige kompetansen til å behandle fleire type søknader. Fylkesutvalet ber om at OED utset endring av vannressursloven på dette punktet til regionreforma er vedtatt. Dei nye regionane bør få fleire, ikkje færre oppgåver.
 3. Fylkesutvalet har ingen merknader til dei andre forslaga til endringar i Vannressursloven.
 4. Fylkesutvalet har ingen merknader til forslag til endringar i Jordlova «

Vassressursloven er no endra. Vedtakskompetanse og saksbehandling i vasskraftsaker inntil 1 MW frå er overført frå fylkeskommunen til kommunen, med verknad frå 1. januar 2018.

Hordaland fylkeskommune merker seg at i framlegg til forskrift har unntaka frå vedtakskompetansen auka frå fem til sju. Alle unntaka skal behandlast av NVE.

Vi har elles ingen merknader til framlegg til forskrift.

Bård Sandal
Direktør regional utvikling

Sølve Sundbø
Klima- og naturressurssjef

Brevet er godkjent elektronisk og har derfor inga underskrift.